

B. N. C
FIRENZE
1068
14





1068.14





CONVOY DV

COEVR DE HENRY III.

TRES-CHRESTIEN ROY

de France & de Nauarre, de-

puis Paris iusqu'à son

College Royal de

la Fleche.



A PARIS,

Chez FRANÇOIS REZE' Marchant Libraire,
ruë des Amandiers.

M. D. C. X.

Avec Privilège du Roy.





LE CONVOY DV COEVR DE
TRES-AVGVSTE TRES-CLEMENT
& Tres-victorieux HENRY LE GRAND
IIII. du nom Tres- Chrestien Roy de France
& de Nauarre depuis la Ville de Paris iusques
au College Royal de la Fleche.



Es grands desastres doib-
uent estre plus suiuis de lar-
mes, que de discours : aus-
si ils serrent les cœurs, es-
blouissent les esprits, & font tarir les
paroles, pour ouurir les seules bondes
des eaux de tristesse, qui courent aux
yeux, vniques telmoings de nos plus
ameres douleurs. Le subit & pitoya-
ble decés de nostre Tres-grand, &
Tres-bon Roy est entré si viuement
dans les ames de tous ses subiects, que

le peuple en larmoye , la France en est en ducil , l'vniuers ne s'en peut consoler , tout le monde regrettant celuy , à qui le merite deuoit vne tres-longue vie , & le desir commun souhaitoit vne immortalité. L'histoire n'egalera iamais la grandeur de ses vertus , & le nombre de ses bien-faiéts: ny la plume n'escrira l'Océa des soursirs, & l'infinité des doleances, qui ne cesseront iamais, puisque iamais ne mourra la memoire de ce Magnanime Prince, à qui la France doit, qu'elle est maintenant France. Puis donc qu'un rideau de silence couure mieux à present la face de nos malheurs, vne simple toile d'un brief narré representera en partie l'honneur rendu au los immortel de ce Monarque , eternellement regrettable.

Le gros des plaintes & tristesses a esté commun, car il estoit le Pere com-

mun de tout son Royaume. Les Religieux de la compagnie de Iesus, comme ils le recognoissoient pour leur singulier RESTAVRATEVR ET PROTECTEUR, l'ont tres-ameusement regretté, & regretteront incessamment, ayant faict vne perte irreparable en celuy, qui les couuroit de sa Royale bienveillance, cogneuë, & tesmoignée a tout le monde. Au milieu de leurs souspirs, & cuisantes douleurs pour allegement de leur mal, ils se souuindrent de la disposition que sa Maiesté auoit fait en l'establissement de son College Royal de la Fleche, de leur donner son Cœur apres son trespass, comme il leur auoit fait ceste faueur durant sa vie, que de les honorer d'une particuliere bienveillance. Ainsi ils se mirënt en deuoir de recouurer, & conseruer ceste precieuse piece de ce cruel naufrage.

Monsieur de la Varanne qui à moyenné dès le commencement, & procuré depuis par toutes voyes l'avancement de ce College pour le service de Dieu, & du public, pour l'honneur & profit de la patrie, fit icy preuve de son indicible affection.

Il rameneur à la Royne la volonté du feu Roy, qui luy accorda volontiers qu'elle fut executée de point en point. Ledit Sieur enuoya aussi tost ausdits Peres en leur maison Professe de S. Loys, de se tenir prests pour venir prendre ce thesor, quand ils seroient mandez, & bien tost apres leur enuoya quelques carroises, dans lesquels il se transférèrent au Louure, pour ensemblement saluër le Roy, & la Royne, & leur offrir de nouveau leur tres-humble service.

Arriuez qu'ils furent en la chambre du Roy, & eurent fait les reueréces

ordinaires, sa Maieſté embrassant les principaux, fit à tous vn acueil fort gracieux. Le Pere Coton porta la parole, resmoignant l'extreme douleur que la Compagnie ressentoit de la playe incurrable qu'elle auoit receu au trespas du Roy defunct, & comme ils estoient resolus de se consommer, & fondre au seruice de sa couronne. Le Roy assisté de Monsieur de Souuré son tres digne Gouverneur, les asseura qu'entre les autres qualitez, qu'il vouloit heriter de son Seigneur & tres-honoré Pere, estoit l'amour enuers cest ordre, & que continuans d'affectionner son seruice, ils experimentoient vne pareille bien-veillance.

Cela faiât, ils tirerent en la Chábre de la Royne, qu'ils trouuerent accôpagnée de quelques Dames ordinaires de sa Cour, de Monsieur le Grand, Monsieur de Chasteau-vieux, & autres Sei-

gneurs. Si tost qu'ils l'apperceurent, ils sentirent les regrets qui leur serroiēt le cœur se redoubler, par compassion de ceste affligee Princeſſe, laquelle deux iours auparauant on auoit veu au plus haut de ſa gloire, toute brillante de l'eſclat de la grandeur & Majesté Royale. Et alors ils la voyoient couuerte d'un ſimple habit de dueil, tousiours neantmoins à ſoy pareille, & portant ſur ſon frōt les marques d'une generoſité fort ſinguliere.

Tous les Peres l'ayans humblement ſalüée, le Pere Coton voulut faire offre du meſme ſeruice qu'il venoit de proteſter au Roy. Mais à grand peine eust-il commencé, qu'il fuſt empeſché de ſes larmes meſlées de ſanglots, & accompagnées du dueil commun de toute la Compagnie. Auſſi eſtoit-ce la ſaiſon de pleurer pluſtoſt que de parler.

La

La Royne esuyant les yeux, monstrant qu'elle agreoit cette salutation: Mes Peres, dit-elle, le feu Roy mon treshonoré Seigneur & mary vous a aimé d'un vray amour, comme chacun sçait, & pour marque il a voulu qu'après son decez, vous fussiez les depositaires & gardiens de son cœur, j'ay commandé qu'on vous le donnast, & que sa volonté fust effectuee. Ayans ce gage precieux, & continuans enuers le Roy mon fils au deuoir de la fidelité que vous luy avez renduë, mon affection ne vous scauroit iamais manquer. Asseurez vous que ie vous maintiendray, & auray soin de vostre conservation comme personnes que ie iuge vtile a cet estat.

Ces propos furent suivis des humbles remerciemens des Peres, qui ayans pris congé, se transporterent droit en la chambre où l'on embaumoit le

corps du deffunct. Chose pitoyable à voir, notamment à ceux qui deux iours auparauant l'auoient veu si ioyeux, & plein d'une santé si parfaite. Monseigneur le Prince de Conty arriva incontinent apres, accompagné de plusieurs Seigneurs, fondant en larmes. Il se mist à genoux deuant le Cœur Royal. Et sa priere finie l'ayant pris sur vn coussin paré d'une gaze brochee d'or le remist entre les mains du Pere Barthelemy Iacquinot superieur de la maison de S. Loys, lequel reuestu d'un surplis & de l'Estole, le receut au nom de toute la Compagnie, avec protestation de l'obligation eternelle que tout l'Ordre auroit à la memoire du feu Roy, de les auoir voulu honorer d'un depost & gage si precieux. Puis accompagné de ses Freres, & suivi d'un grand nombre de Noblesse, les flambeaux allumez il fut conduit à la grand' porte

du Louure où les carolses les attendoient. Il entre avec quatre autres du mesme Ordre, & deux Gentilshommes qui portoient des flambeaux en celuy du Roy, qui fut le mesme dans lequel ce bon Prince auoit receu le desplorabile coup de mort. Les Gardes ordonnez par Monsieur de Vitry accompagnans ce dueil, ils arriuerent à S. Loys enuiron les huit heures de soir, le Samedy quinziesme de May.

L'appareil de ce triste conuoy fist bien tost cognoistre au pieux & affligé peuple de Paris passionnément amoureux de ses Rois, ce que c'estoit. Dont plusieurs nonobstant la pluye & l'incommodité du temps tres grande, se ioignirent à la troupe, & tous pour tesmoigner de plus en plus leur affection enuers leur Prince trespasé, non contents d'auoir jetté de l'eau beniste sur son cœur, voulurent encor à l'imi-

tation des Peres le baïser l'un apres tre. Cene fut pas sans espancher beaucoup de larmes.

Trois iours durant, ce riche thresor reposa' dans la Chapelle domestique de la maison, au quatrieme qui estoit le mecredy veille de l'Ascension, on l'exposa à la veuë du peuple. Ce fust au costé droit du grand Autel sous vn paillon, & sur le mesme coussin qu'il auoit esté apporté, deux flambeaux de cire blanche brulans continuellement deuant, & enuironné par les costez des plus beaux paremens que la pauureté d'une maison Professe auoit peu fournir. Apres chaque Messe le Prebstre y alloit dire le *Deprofondis*, & l'apresdinee quelques vns des Religieux y recitoient le Psaultier.

Cependant le Pere Ignace Armand Prouincial de la compagnie en France, se trouuant pour lors à Neuers, ou

il visitoit le College, qu'ils ont en ceste ville, rebroussa à Paris, & apres auoir salué le Roy, & la Royne, sçeut de Monsieur de la Varanne, que le Lundy apres la Pentecoste on partiroit pour porter ce depost au College Royal de la Fleche, ou il estoit destiné, & vingt de la Compagnie furent nommez pour l'accompagner par le chemin. Tous de grand matin ayans dit Messe pour le deffunct: a celle du Pere prouincial, qui fut la derniere sur les quatre heures, assista Monsieur le Comte de Soissons, Monsieur le Duc d'Espèrnō, Monsieur le Grand, & plusieurs autres Seigneurs de remarque.

La Messe acheuee tous ces Religieux se reuestent de surplis, & tenans vne chandelle de cire blanche en main se mettent en ordre, l'un d'iceux portāt vne Croix d'argent doré, & deux au costé les deux Chandeliers de mesme,

les autres fuiuoient deux à deux avec vne belle deuotion & modestie. Le Pere Prouincial marchoit le dernier en surplis & estole, tenant le Cœur sur vn carreau de velours noir couuert d'un crepe, & en cest ordre entrerent dans les Carosses, qui les attendoient à la porte de l'Eglise. Ledit Pere Prouincial avec cinq autres, print place au fond du carosse du Roy, portant entre ses bras ceste douloureuse charge: Laquelle il laissoit sur le midy & sur le soir reposer aux Eglises, ou il estoit conduit de diuerses processions qui venoient au deuant.

Ces Princes & Seigneurs, qui auoient assisté à la Messe, monterent aussi tost à cheual, qui furent incontinent suivis de plusieurs autres, tant Princes que Seigneurs principaux de la Cour, qui marcherent quelque temps en esquadrons, puis assemblez firent

vn gros de mille à douze cens chevaux, iusques au Bourglà Royne.

Les Peres dans leurs carosses, notamment ceux, qui estoient dans celuy du Roy, où estoit le Cœur, psalmodioient par tour. Tout le lōg du voyage n'ot esté que continuels tesmoignages d'vne singuliere affection de ces peuples enuers leur Roy. Aussi ce bō Prince auoit coustume de dire parlant de ses subiets, Ils me cognoistront mieux, quand ils m'auront perdu. La premiere rencontre fut de Monsieur le Conte de Curlon, qui recognoissant le ducil, saulta de son cheual à terre, & tout trempé de pleurs, vint coler sa bouche au Cœur de son bon maistre. Monsieur le Chancelier accompagné de plusieurs seigneurs rendit le mesme office à celuy, auquel il a seruy si fidelement: Trois fois le sieur de Pasleseau se voulut aprocher, & trois fois le ge-

nōüil luy fleschit , estant attainct d'a-
 mour, de crainte, & reuerence. Mon-
 sieur le Duc de Mont-bazon, & Mon-
 sieur de la Varanne, ausquels la Royné
 auoit commis ceste conduite, estoient
 la plus grande partie du temps tous es-
 plorés, ne pouuans, ne sçachans dissi-
 muler l'indicible regret, qu'ils ressen-
 toient en leur ame, d'auoir perdu, &
 d'vne telle sorte, vn si bon & amiable
 Maistre. La troisiésme iournée Mon-
 sieur de la Varanne prit le deuant pour
 voir l'appareil dressé par les habitans
 de la Fleche. On ne rencontroit si petit
 village en chemin, ou a l'étour, d'où les
 Prestres avec la Croix, accôpaignez de
 leurs paroissiens ne vinssent au deuant,
 sans auoir esgard à l'incommodité des
 chemins, qui estoit grande à raison des
 pluyes continuelles, & là on ne voyoit
 que larmes, on n'entendoit que pleurs
 & gemissemés de ces bons villageois.

Mon sieur

Monsieur de la Frette, Gouverneur de la ville de Chartres , accompagné des plus notables Seigneurs & citoyés vint au rencontre plus de deux lieuës loing. Et ce venerable & Auguste Chapitre de Nostre Dame avec le reste du Clergé, & tout le corps de la ville sortirent hors les portes, chacun pensant ne rien faire , s'il ne faisoit plus que tous autres, & a l'enui, pour honorer vn Prince sans parangon. L'arriuee fut à nuict close, & n'y voyoit-on que par la lumiere des flambeaux , qu'à peine se tenoient alumez , à raison d'une grosse pluye , qui fit changer les ruës en torrens: Le Ciel nous voulant faire entendre, que les larmes des hommes n'estoyent pas suffisantes de pleurer ce mechef.

Le Pere, qui portoit le Cœur , avec ses compagnons , mit pied a terre au récontre de ceste Procession, & Mon-

sieur le Doyen s'estât ioint a son costé, ils poursuiurent leur chemin. La plus part de ce bõ & deuot peuple estoit resté nuë, & les Ecclesiastiques avec le bonnet carré, au milieu de ces deluges, & en cest equipage on passe les faubourgs, & la ville, iusques à la grand' Eglise, ou le Cœur fut posé, & donné en garde a Monsieur le Doien, qui accompagné de plusieurs autres Chanoines, veilla toute la nuit en prieres & oroisons.

Le lendemain tous les peres dirent la Messe, apres laquelle ils se rassemblèrent en l'Eglise pour prendre leur cher depost: Messieurs du chapitre s'y trouuerent en ordre, & Monsieur le Doien ayant desir de le porter iusques a la porte de l'Eglise, ou les carosses attendoiēt luy fut accordé bien volontiers. Ainsi sortis de Chartres, ils arriuerent à Champ-rond d'assés bonne heure, ou

le reste du iour fut employé par les Peres a chanter Vespres & Vigiles des morts.

Mercredy de bon matin ils s'acheminèrent vers Nogeant, & comme l'on approchoit, les Ecclesiastiques dudit lieu, & vne grande quantité d'habitans leur vindrent au deuant, testmoignans le mieux, qu'ils pouuoient, l'honneur, & le respect, qu'ils portoiēt ala memoire de leur Prince.

Les Peres Capucins n'y manquerent point: Ici le Pere Gontery fit vn sermon tel, que le lieu & le temps le permettoit, auquel il exhorta son auditoire de prier seruément pour l'ame du Roy deffunct, & de s'affectionner d'vne pareille ardeur au seruice de celuy, qui a succédé à ses estats, & à sa Couronne.

La nuit se passa ala Ferté-bernard, ou le Cœur reposa en vne Chapelle au-

tant ardête de vœux, que de feux, dressée en vne petite Eglise du fau-bourg, tous les habitans, notamment les Ecclesiastiques, y firent leur deuoir. Là, auant que se retirer, le Pere Iacquinet fit le sermon de mesme suieût, que le P. Gôtery, car poussés d'vn mesme esprit, & ressentant vn mesme mal, ils ne pouuoient que prescher conformement.

Le Ieudy ils vindrent a Gué-celar. Il ne faut passer sous silence la demonstration de l'affection singuliere de la Ville du Mans enuers son Prince & souuerain Seigneur. Comme ils eurent les nouuelles de ce Conuoy, & qu'ils n'auroiêt pas ce bien, qu'il passast par leur Ville, Monsieur le Comte de Negreplisse Gouverneur, avec vne belle troupe de Noblesse, Monsieur le Lieutenant General, avec les autres Officiers de la Iustice, vn grand nom-

bre d'hommes, & de femmes de toute qualité s'en vindrent plus d'une lieuë sur le grand chemin, où il deuoit passer, le bordant d'un costé & d'autre. Ils versioient plus de larmes, que s'ils eussent perdu leurs plus proches, & s'estimoient heureux de baiser ou toucher le Carreau, ou reposoit ce precieux depost: que si quelqu'un d'entr'eux auoit la faueur de donner vn baiser, comme elle fut accordee au plus apparens, ils le laissoient tout baigné de larmes. Ledit sieur Lieutenât s'adressa à monsieur le Duc de Montbazon, & luy fit vne belle harangue sur le ressentiment d'une telle perte, auquel ledit seigneur Duc respondit fort sagement, & avec grande promptitude & eloquence.

Finalemēt ils arriuerent le Vendredy sur les dix heures à la Fleche, ville, qui auoit resenty par dessus toutes

ce cruel defastre: & en auoit encores les larmes aux yeux: ville, que cet incomparable Monarque cheriffoit particulièrement, & qu'il deffeignoit réduire vne des plus belles de son Royaume en fa qualité,

La reception fut telle. Le Preuost avecques ses Archers marchöient deuant, apres eux les Escoliers difpofez en bel ordre, iufqu'au nombre de douze cens, felon le rang des claffes, les Theologiens portant des cierges en main. Les Ecclesiastiques alloient apres, & entr'eux les Peres Recolleâs, & les Escoliers Religieux de diuers Ordres, puis dixneuf parroiffes venues de dehors, fuiuies de celle de la Ville. Les Peres du College Royal uestus de furplis, chacun vn cierge en main, fermoient ce rang. A la teste des feculiers estoit Monsieur de la Varanne, & Monsieur le Baron de

saincte Susanne son Fils , accompagnéz de vingt & quatre Seigneurs Escoliers, la pluspart en dueil.

Suiuoient Messieurs de la Iustice, & autres Officiers avec les Bourgeois marchands, & tout le peuple de la Ville portans tous des torches blanches allumées, chacun selon son rang. En cest ordre on s'arresta hors de la ville en vn grand pré iusques à l'arriuee du cœur, qui ne tarda guere, auant que se ioindre. Monsieur de Mont-bazon, & les Peres mirent pied à terre.

On auoit dressé vne table couuerte de noir, sur icelle le Pere Prouincial posa le carreau, avec vne Croix, entre deux chandeliers d'argent doré. Toute la procession passa par deuant, & flechissant le genoüil en terre, luy fit tres-humblement hommage. Les Peres de Paris se ioignirent a ceux du College Royal. Ce-

la faiët le Pere Prouincial reprend le cœur, vn Heraut d'armes le procede, douze Archers des gardes, & deux Exempts luy font escorte avec le pistolet en la main, deux luy soustiennent les bras, qui toutes-fois ne sentoient ceste lassitude, pour la bienveillance, de laquelle ce bon Prince l'auoit tant de fois honoré l'espace de sept ans, depuis le iour qu'il eut l'honneur de l'aborder, & parler à sa Maiesté en la ville de Mets en Lorraine.

En tel ordre on arriue à la porte de la ville reuestüe de dueil, & d'escussions : de la à saint Thomas, Eglise principale de la Fleche, laquelle estoit tenduë en noir, comme aussi celle de S. François, & la Chappelle des Religieuses.

Durant ceste procession, les Peres, & autres Ecclesiastiques psalmodierent iusques à l'entrée de l'Eglise.

Aussi

Aussi tost on commença le service, ou le peuple pleurant feist paroistre le dueil, qu'il portoit de sa perte.

L'office paracheué le pere Coton commença l'Oraison Funebre, laquelle à peine ourdissoit il, que les larmes & les soursirs coupoient desia le fil de ses discours, ce qui le contraignit de laisser l'hypothese, & se ietter sur le commun & general. Il ne laissa pourtant d'y reuenir, & fit entendre à tous l'obligation nompareille, & tres-particuliere, que toute la Compagnie recognoissoit auoir à la memoire du Roy defunt, que Dieu absolue, & le service qu'elle desiroit rendre au Roy son fils presentement regnant, & à la Royne Regente sa mere, côme c'est vne extreme faueur & honneur à ladiète compagnie de se voir en possession d'un dō si precieux.

Après le Sermon, la procession

D

commença à sortir de saint Thomas: M^osieur de Mont-bazon prit le cœur de la main du Pere Prouincial, & le porta de là iusques au College, que les peres auoient paré en dueil, non pas à l'etgal de leur affection enuers ce grãd Monarque, mais au pied de leurs forces & du temps, qu'ils auoient eu fort court.

La grande porte du College estoit reuestuë de dueil, l'ornemēt de laquelle declaroit comme le feu Roy viuoit encore en son Fils.

Au frontispice de ce portail on voyoit vn grand tableau du nom de IESVS, au milieu duquel estoit vn Cœur rayonnant, & richement couronné: A la droicte vn Phœnix brullāt, qui disoit, *Similis in Prolere surgo*, à la gauche vn Pelican avec ce mot *Mors & vita iuuat natos*. La frise disoit, *P. M. Henrici IIII. posuit Ludov.*

nicus de Rohan, c'est monsieur le Comte de Rochefort estudiant en ce College, fils de Monsieur le Duc de Mont-bazon.

Ie laissè les autres Emblemes portés chacun leur mot avec quelques dytiques qui expliquoyent ces Tableaux disposez en bel ordre & proportion.

Au milieu de la grande Cour se presentoit vn Arc de 27. pieds en hauteur, & 26. en largeur, reuestu de dueil & de torches, son ouuerture large de 10. pieds, & haulte de 18. Du milieu sortoit vn grand escusson portant les armes de France & de Nauarre, l'architraue disoit: *Deuictori omnium hostium, et super omnes retro Principes prouidentissimo Regi Henrico IIII. Soli inuicto, Immortali memoriae, & Maiestati eius semper dicatissimi P. P. Ludouicus de la Valette: Arthusius, d'Espinay: Le premier est fils de Monsieur le Duc d'Es:*

pernon: Le second est frere de Monsieur de S Luc: l'enrichissement contenoit diuers emblèmes, & tableaux avec leurs deuises & dytiques qu'ils expliquoient.

Des deux costez de la Cour on auoit dressé deux Galeries distingues en 17. arcades par pilastres parlemés de larmes, & de fleurs de lys d'argent, en fond noir. Au milieu de chaque arcade paroissoient les armes de France accompagnées de testes de mort, & de grands flâbeaux. Le fond estoit rapissé d'affiches en taille douce, ou le Roy à guise des anciens Césars se trouuant las de la terre sembloit chercher le Ciel porté par vn aigle au dessus de l'air. Toutes ces poësies estoient ouurage des 4. premieres classes, qui auoient si heureusement rencontré, que plusieurs des lieux circonuoisins en tirent coppie.

Ceste pompe funebre estant passée

par delsous ce grand arc remarquoit vne pyramide d'un costé, & de l'autre vne colomne, qui auoit esté dessinée, mais nō paracheuée, pour la briefueré du téps. De la se voyoit la maisō du feu Roy, qu'il dōna aux Peres de la cōpagnie, en l'establissēmēt de sō College.

L'entree couuerte de dueil & d'escussions, pleuroit la mort de son Prince, & monstroit le chemin à la grande sale tenduë en velours, qui sert maintenāt de chapelle. Au deuāt de l'Autel, paré en dueil, on estoit arresté par vn échafaut couuert d'un grand drapeau de soye, pour receuoir le Cœur, & donner vn peu de temps aux regrets & souspirs. Aux deux coings de l'Autel estoient dressées deux colōnes couuertes d'or bruni, & vn arc qui estoit arraché des chapiteaux desdictes colomnes, & arriuoit iusques au haut de la Sale, le vuide entre l'arc, & les colōnes estoit

rempli des armes de France & de Nauarre. A la naissance de l'arc trauersoit vne corniche, du milieu de laquelle sortoit vn fleuron doré avec ses branches, pour receuoir ce precie ux gage.

Le Hefaut estant dressé sur l'eschafaut, receut des mains de Monsieur le Duc de Montbazon ce grand depost, & ayant prononcé à haute voix, Icy gist le Cœur de Henry IIII. Tres-haut; Tres-puissant, & Tres-Chrestien Roy de France, & de Nauarre, & repeté par trois fois selon la coustume de France le Roy est mort priez pour son ame, logea le Cœur au lieu de son repos, attendant que les vrnes plus richement elabourees, soyent parfaites. Lesquelles serôt mises deuât le maistre Autel de l'Eglise, que nous esperons voir acheuee dans peu de temps. puis ayant osté, & repris sa casaque par commandement de ceux, qui condui-

soient le conuoy, dict à pleine voix,
 Viue Loys XIII. Tres-Chrestien Roy
 de France, & de Nauarre, Viue le Roy,
 tout le monde le suiuit de pareille ac-
 clamation avec vn mot lugubre con-
 uenable aux lieux, & au temps.

Le fond de la Chapelle estoit couuerte de poësies
 & compositions, que les Religieux de ce College
 auoient tiré du profond de leur cœur, en diuers lan-
 gages, pour tesmoigner les regrets qu'ils auront à ia-
 mais de la mort d'un si grand Roy, qui les auoit éter-
 nellement obligez. Les vnes ont esté prises & esga-
 rées, les autres reseruées pour le tombeau qu'ils pre-
 tendent dresser à l'éternelle memoire d'un tel Prin-
 ce. Les plus courtes vous seront présentées pour es-
 chantillon de toute la picce, qu'on estendra cy apres.

Ce fait, Monsieur le Lieutenant General portant
 la parole au logis de Monsieur de la Varanne, pour
 le Corps de la iustice, & de la ville, tesmoignant par
 vn discours plein de zele, d'affection & de plaintes,
 l'extreme douleur, dont ceste ville est particuliere-
 ment atteinte en la perte de son tres-bon Roy, en-
 semble l'honneur qu'elle reçoit par le depost tres-
 precieux de son Cœur : & remercia Messieurs de
 Mont-bazon, & de la Varanne, de ce que la ville re-
 cueilloit par leurs mains vn present de si haut prix.

Monsieur de Mont-bazon respondit sur le mes-
 me subiect tresgrauelement, avec les tesmoignages
 de son affliction empraintes en son visage en sa pa-

rolle, & en ses gesses.

Depuis fut conclud & arresté en l'assemblée de Ville tenue deuant le Lieutenant genéral, que dorénavant & à perpetuité, par chacun an le 4. Iuin, auquel iour le cœur du feu Roy & de tres-heureuse memoire fut apporté en cette ville, & déposé en l'Eglise des Peres de la Compagnie de IESVS, a qui cet Auguste & Precieux gage a esté donné) sera faite procession generale del'Eglise parrochiale de S. Thomas en celle desdits Peres: A laquelle Procession assisteront tous les Ecclesiastiques, le Corps de la iustice, officiers du Roy & autres habitas. Au retour de la Procession se fera vn'service solennel pour l'Amé du Tres-Christien Roy defunct, pareil à celuy qui a esté fait en ladite Eglise le 3. 4. & 5 dudit mois. Et cesseront toute iurisdiction, & œuvres mecaniques la matinee de ce iour.

FIN.

Extrait du Privilege du Roy.

IL est permis à François Rozé Marchant Libraire en ceste ville de Paris, d'Imprimer, vendre & distribuer vn Liure intitulé: *Le Conuoy du Cœur de Tres-Auguste, Tres-Clement, & Tres-Victorieux Henry le Grand IIII du nom Tres-Christien Roy de France & de Nauarre, depuis la ville de Paris iusques à son Colleege Royal de la Fleche*, Les defences sont faictes à tous Libraires & Imprimeurs de l'Imprimer, vendre & distribuer ledit Liure, & ce pour le temps & espace de six ans, sans le congé & consentement dudit Rezé, à peine d'amende arbitraire, de confiscation desdits exemplaires, de tous despens dommages & interest dudit suppliant, Ainsi qu'il est plus amplement contenu audit Privilege. Donné à Paris le 6. iour de Iuliet 1610. Et de nostre regne le premier.

Signé par le Roy en son Conseil:

P E R R E A V.











